



Broj: 20-04-44671-2/23
Sarajevo, 17.11.2023. godine

Na osnovu člana 19. stav (1) i člana 24. st. (1) i (2) Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) Ured za borbu protiv korupcije i upravljanje kvalitetom Kantona Sarajevo donosi:

ODLUKU

Nakon provedenog postupka za utvrđivanje postojanja sukoba interesa za Vilić Selviru, Ured za borbu protiv korupcije i upravljanje kvalitetom Kantona Sarajevo utvrdio je da imenovana koja obavlja javnu funkciju člana Komisije za statut i akte Gradskog vijeća Grada Sarajeva, nije povrijedila odredbe čl. 5., 6., 7., 8., 9. i 10. Zakona o prevenciji i suzbijanju korupcije u Kantonu Sarajevo i da ista nije u sukobu interesa.

Obrazloženje

Ured za borbu protiv korupcije i upravljanje kvalitetom Kantona Sarajevo je nakon izvršenog uvida u Internet stranicu Općine Stari Grad Sarajevo i Internet stranicu Gradskog vijeća, Grada Sarajeva konstatovao da Vilić Selvira, istovremeno obavlja dvije javne funkcije i to javnu funkciju člana Komisije za statut i akte Gradskog vijeća Grada Sarajeva i javnu funkciju člana Komisije za propise i statut u Općinskom vijeću Općine Stari Grad Sarajevo, što je u suprotnosti sa članom 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno

U cilju utvrđivanja postojanja sukoba interesa, a shodno članu 12. stav (1) Zakona o prevenciji i suzbijanju korupcije u Kantonu Sarajevo, Ured za borbu protiv korupcije i upravljanje kvalitetom Kantona Sarajevo je pokrenuo i proveo postupak za utvrđivanje postojanja sukoba interesa u predmetnom slučaju. Ured za borbu protiv korupcije i upravljanje kvalitetom Kantona Sarajevo je po službenoj dužnosti, Rješenjem broj: 20-04-44671/23 od 23.10.2023. godine pokrenuo postupak za utvrđivanje postojanja sukoba interesa za Vilić Selviru.

Ured za borbu protiv korupcije i upravljanje kvalitetom Kantona Sarajevo je aktom, Obavijest o pokretanju postupka za utvrđivanje postojanja sukoba interesa i zahtjev za pismeno izjašnjenje broj: 20-04-44671-1/23 od 23.10.2023. godine, a shodno članu 16. stav (1) Zakona o prevenciji i suzbijanju korupcije u Kantonu Sarajevo, obavijestio imenovanu o pokrenutom postupku za utvrđivanje postojanja sukoba interesa, te je zatražio pismeno izjašnjenje na navode iz ove obavijesti. U prilogu akta od 23.10.2023. godine, imenovanoj je dostavljeno Rješenje broj: 20-04-44671/23 od 23.10.2023. godine.

Do dana sačinjavanja ove odluke, imenovana nije dostavila Uredu za borbu protiv korupcije i upravljanje kvalitetom Kantona Sarajevo izjašnjenje na navode iz Obavijesti o pokretanju postupka za utvrđivanje postojanja sukoba interesa i zahtjev za pismeno izjašnjenje.

Dana 31.10.2023. godine Ured za borbu protiv korupcije i upravljanje kvalitetom Kantona Sarajevo zaprimio je akt Općinskog vijeća Stari Grad Sarajevo vezano za promjene u sastavu radnih tijela Općinskog vijeća Stari Grad Sarajevo u kojem je navedeno da je Vilić Selvira razrješena javne funkcije člana Komisije za propise i statut u Općini Stari Grad Sarajevo. U prilogu je dostavljeno Rješenje o razrješenju i imenovanju člana Komisije za propise i Statut, broj 02-45-648/23 od oktobar 2023. godine.

Na osnovu navedene dokumentacije kojom Ured za borbu protiv korupcije i upravljanje kvalitetom Kantona Sarajevo raspolaže, utvrđeno je da Vilić Selvira trenutno obavlja jednu javnu funkciju u Kantonu Sarajevo, i to javnu funkciju člana Komisije za statut i akte Gradskog vijeća Grada Sarajeva i da imenovana nije povrijedila odredbe čl. 5., 6., 7., 8., 9. i 10. Zakona o prevenciji i suzbijanju korupcije u Kantonu Sarajevo i da ista nije u sukobu interesa.

Imajući u vidu navedeno, Ured za borbu protiv korupcije i upravljanje kvalitetom Kantona Sarajevo je u skladu sa članom 19. stav (1) i članom 24. st. (1) i (2) Zakona o prevenciji i suzbijanju korupcije u Kantonu Sarajevo odlučio kao u dispozitivu ove odluke.

Ova odluka stupa na snagu danom donošenja.

Pouka o pravnom lijeku: Ova odluka je konačna i protiv iste se može pokrenuti upravni spor.



Dostaviti:

1. **n/r Selvire Vilić**, Član Komisije za statut i akte u Gradskom vijeću Grada Sarajeva (Hamdije Kreševljakovića 3, 71.000 Sarajevo),
2. a/a.